

PDR tambe tin varios interrogante tocante proceso compra La Dolce Vita

ORANJESTAD (AAN) – Parlamentario mr. Andin Bikker, lider di fraccion di Partido Democracia Real, tambe a duna su opinion na DIARIO, relaciona cu e reunion publico cu fraccion di MEP a pidi, encuan to e compra di La Dolce Vita, pa crea e Europa House, unda gobierno a instala TNO. E parlamentario a bisa nos cu na prome lugar el a muestra cu trabao di Parlamento ta pa

controla, entre otro, e maneho di companianan di gobierno, bao maneho di e minister cu ta politicamente responsable, y den e caso aki e acta cu a sali den publicidad a trece cierto interrogantenan.

Otro pregunta cu tin ta si e prijs ta esun di mercado, y ademas den e trayectoria aki a bin preguntanan pasobra tin un caso den Corte, den cual ta wordo discuti ken tin derecho

di drenta den e edificio.

Un di e preguntanan ta si a haci suficiente research kico ta e “claims” cu tin riba e edificio aki.

Segun e parlamentario dia cu gobierno a bin den e mesun sala unda e reunion ta tumando lugar, pa pidi aprobacion pa baha BBO, un di e argumentonan tabata cu ta bay baha e huur di edificionan di Pais Aruba, pero aworaki por

constata cu tin un acuerdo di huur di casi 30 mil florin pa luna, unda cu gobierno ta bay bolbe huur edificionan y nan filosofia ta cu tin varios edificio di gobierno cu por wordo renova, y den esey fraccion di PDR a haci pregunta, y na final a puntra kico ta e rol di Utilities. Parlamentario mr. Bikker a señala cu si wak e estructura di Setar y di Aeropuerto, nan no ta conoce un

holding. Y mientras pa hopi aña no a tende mes di Utilities diripiente awor, tin un rol nobo cu a wordo destina pa Aruba Utilities, cu ta mas activo, y e pregunta di PDR ta si esaki ta pas den e cuadro di funcionamiento y statutonan di e compania estatal aki. Esaki ta un pregunta cu e Parlamentario a trece dilanti, y e ta spera haya contesta y sigui cu e deliberacionnan.